

“Entrance
Antiphon”

438

Hebdomada decima sexta per annum

“Monday”

Feria secunda

Ant. ad introitum

Ps 53, 6. 8

Ecce Deus ádiuvat me,
et Dóminus suscéptor est ánimæ meæ.
Voluntárie sacrificábo tibi,
et confitébor nómini tuo, Dómine,
quóniam bonum est.

Collecta

Propitiáre, Dómine, fámulis tuis,
et cleménter grátia tuæ super eos dona múltiplica,
ut, spe, fide et caritáte fervéntes,
semper in mandátis tuis vígili custódia perseverént.
Per Dóminum.

“Year 1”

Anno primo

Lectio prior

“First Reading”

*Scient quia ego sum Dominus,
cum glorificatus fuero in Pharaone.*

Léctio libri Exodi

14, 5-18

In diébus illis:

Nuntiátum est regi Ægyptiórum quod fugísset pó-
pulus; immutatúmque est cor Pharaónis et servórum
eius super pópulo, et dixerunt: « Quid volúimus fácere,
ut dimitterémus Israel, ne servíret nobis? »

Iunxit ergo currum, et omnem pópulum suum as-
súmpsit secum. Tulítque sexcéntos currus eléctos, quid-
quid in Ægýpto cúrruum fuit, et duces totíus exércitus.

Induravitque Dóminus cor Pharaónis regis Ægýpti, et persecútus est fílios Israel; at illi egréssi erant in manu excélsa.

Cumque persequeréntur Ægýptii vestígia præcedéntium, reperérunt eos in castris super mare; omnis equitátus et currus Pharaónis et univérsum exércitus erant in Phiháhiroth contra Beélsephon.

Cumque appropinquásset Phárao, levántes fílii Israel óculos, vidérunt Ægýptios post se et timuérunt valde; clamaverúntque ad Dóminum et dixerunt ad Móysen:

« Fórsitan non erant sepúlcrá in Ægýpto; ídeo tulísti nos ut morerémur in solitúdine. Quid hoc fácere voluísti, ut edúceres nos ex Ægýpto?

Nonne iste est sermo, quem loquebámur ad te in Ægýpto dicéntes: " Recéde a nobis, ut serviámus Ægýptiis? " Multo enim mélius erat servíre eis, quam mori in solitúdine ».

Et ait Móyses ad pópulum: « Nolíte timére; state et vidéte magnália Dómini quæ factúrus est hódie; Ægýptios enim, quos nunc vidétis, nequáquam ultra vidébitis usque in sempitérnum. Dóminus pugnábit pro vobis, et vos tacébitis ».

Dixitque Dóminus ad Móysen: « Quid clamas ad me? Lóquere fíliis Israel ut proficiscántur. Tu autem éleva virgam tuam, et exténde manum tuam super mare, et dívide illud; ut gradiántur fílii Israel in médio mari per siccum.

Ego autem indurábo cor Ægyptiórum ut persequántur vos; et glorificábor in Pharaóne et in omni exércitu eius et in cúrribus et in equítibus illíus.

Et scient Ægýptii quia ego sum Dóminus, cum glori ficátus fúero in Pharaóne et in cúrribus atque in equítibus eius ». — Verbum Dómini.

“Responsorial Psalm” (Year 1)

440

Hebdomada decima sexta per annum

Psalmus responsorius Ex 15, 1-2. 3-4. 5-6 (R.: 1 a)

R. Cantemus Dómino: glorióse enim magnificátus est.

¹ Cantemus Dómino: glorióse enim magnificátus est;
equum et ascensórem deiécit in mare.

² Fortitúdo mea et laus mea Dóminus,
et factus est mihi in salútem.
Iste Deus meus, et glorificábo eum;
Deus patris mei, et exaltábo eum. R.

³ Dóminus quasi vir pugnátor;
Omnípotens nomen eius.

⁴ Currus Pharaónis et exércitum eius proiécit in mare;
elécti príncipes eius submérsi sunt in mari Rubro. R.

⁵ Abýssi operuérunt eos;
descendérunt in profúndum quasi lapis.

⁶ Dextera tua, Dómine, magnificáta est in fortitúdine;
dextera tua, Dómine, percússit inimícum. R.

“Year 2”

Anno secundo

Lectio prior

“First Reading”

*Indicabo tibi, o homo, quid Dominus
requirat a te.*

Léctio libri Michææ prophétæ

6, 1-4. 6-8

Audíte quæ Dóminus lóquitur: « Surge, conténde
iudício advérsus montes, et áudiant colles vocem tuam.
Audiant montes iudícium Dómini, et fórtia fundaménta
terræ; quia iudícium Dómini cum pópulo suo et cum
Israel diiudicábitur.

Pópule meus, quid feci tibi? aut quid moléstus fui
tibi? Respónde mihi. Quia edúxi te de terra Ægýpti,
et de domo serviéntium liberávi te, et misi ante fáciem
tuam Móysen et Aaron et Mariám? »

Quid dignum offeram Dómino? Curvábo genu Deo excélso? numquid offeram ei holocautómata et vítulos annículos?

Numquid placári potest Dóminus in mílibus aríetum, aut in multis mílibus hircórum pínguium? Numquid dabo primogénitum meum pro scélere meo, fructum ventris mei pro peccáto ánimæ meæ?

Indicábo tibi, o homo, quid sit bonum et quid Dóminus requírat a te: Utique fácere iudícium et dilígere misericórdiam, et sollicitum ambuláre cum Deo tuo.

Verbum Dómini.

“Responsorial Psalm”
(Year 2)

Psalmus responsorius

Ps 49, 5-6. 8-9. 16 bc-17. 21 et 23 (R.: 23 b)

R. Qui immaculátus est in via,
osténdam illi salutáre Dei.

5 « Congregáte mihi sanctos meos,
qui disposuérunt testaméntum meum in sacrificio ».
6 Et annuntiábunt cæli iustítiam eius,
quóniam Deus iudex est. **R.**

8 « Non in sacrificiis tuis árguam te;
holocáusta enim tua in conspéctu meo sunt semper.
9 Non accípíam de domo tua vítulos,
neque de grégibus tuis hircos. **R.**

16 Quare tu enárras præcépta mea,
et assúmis testaméntum meum in os tuum?
17 Tu vero odísti disciplínam,
et proiecísti sermónes meos retrórsum. **R.**

21 Hæc fecísti, et tácuí.
Existimásti quod eram tui símilis:
árguam te, et státuam illa contra fáciem tuam.

23 Qui immolábit sacrificium laudis,
honorificábit me,
et qui immaculátus est in via,
osténdam illi salutáre Dei ». *R.*

Alleluia

Ps 94, 8 ab

R. Allelúia. *V.* Hódie, nolíte obduráre corda vestra,
sed vocem Dómini audíte.
R. Allelúia.

“Gospel Reading”
(Years 1+2)

Evangelium

Regina austri surget in iudicio cum generatione ista.

✠ Lécio sancti Evangélii secúndum Matthæum

12, 38-42

In illo témpore:

Respondérunt Iesu quidam de scribis et Pharisæis
dicéntes: « Magíster, vólumus a te signum vidére ».

Qui respóndens ait illis:

« Generátio mala et adúltera signum requírit, et si-
gnum non dábitur ei nisi signum Ionæ prophétæ. Sicut
ením fuit Ionas in ventre ceti tribus diébus et tribus
nóctibus, sic erit Fílius hóminis in corde terræ tribus
diébus et tribus nóctibus.

Viri Ninivítæ surgent in iudicio cum generatióne
ista et condemnábunt eam: quia pæniténtiam egérunt
in prædicatióne Ionæ, et ecce plus quam Iona hic.

Regína austri surget in iudicio cum generatióne ista
et condemnábit eam: quia venit a fínibus terræ audíre
sapiéntiam Salomónis, et ecce plus quam Sálomon hic ».

Verbum Dómini.

Super oblata

Deus, qui legálium differéntiam hostiárum
uníus sacrificií perfectióne sanxísti,
áccipe sacrificium a devótis tibi fámulis,
et pari benedictióne, sicut múnera Abel, sanctífica,
ut, quod sínguli obtulérunt ad maiestátis tuæ honórem,
cunctis proficiat ad salútem.
Per Christum.

**“Communion
Antiphon”**

OR:

**“Communion
Antiphon”**

Ant. ad communionem**Ps 110, 4-5**

Memóriam fecit mirabílium suórum
miséricors et miserátor Dóminus;
escam dedit timéntibus se.

Vel:**Ap 3, 20**

Ecce sto ad óstium et pulso, dicit Dóminus:
si quis audíerit vocem meam, et aperúerit mihi iánuam,
intrábo ad illum, et cenábo cum illo, et ipse mecum.

Post communionem

Pópulo tuo, quásumus, Dómine, adésto propítius,
et, quem mystériis cæléstibus imbuísti,
fac ad novitátem vitæ de vetustáte transíre.
Per Christum.